



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

Vita Gregorii Papae VI.

urn:nbn:de:hbz:466:1-15625

° CONCILIVM TRIBVRIENSE ANNO CHRISTI 1035.
 ANNO DOMINI MXXXV. CELEBRATVM
 tempore Benedicti papæ IX.

NOTA.

° *Concilium.*] Anno supra signato magnam Synodum Triburien-
 sem collectam esse testatur Hermannus in chronico quod ex codice
 Auguftano nuper edidit Canifus. Acta eius summatim describuntur
 in chronico Cameracensi lib. 1. cap. 51. his verbis: *Triburia secus*
Moguntiam imperator Conradus de diuersis partibus episcopos conuo-
cavit, vt qua vtilitatis & religionis sunt adinuicem conferrent. Qui
post aliqua dictorum suorum hoc habuerunt capitulum, vt si quando
ieiunium primi mensis in ea hebdomada, qua constat caput ieiunii, sicut
solet euenire, amborum ieiuniorum celebritas officii expletione comple-
tur. In hoc rursus moderatissimus pastor antiquam patrum consuetudi-
nem seruari monebat, & in altera hebdomada officium primi ieiunii ce-
lebrandum pro consuetudine antiqua censebat: cuius oblata sententia
visa est congrua, & ab iis decreta est tenenda. Hæc chronicum Ca-
 meracense prædicto loco.

° CONCILIVM VENETVM, ANNO CHRISTI 1040.
 IN CAUSA DISCIPLINÆ ECCLESIASTICÆ
 celebratum anno Christi MXL. sub Benedicto papa
 IX.

NOTA.

° *Concilium Venetum.*] Hoc Concilium, assistente & fauente Do-
 minico Flabanico duce Venetiarum, celebratum est Venetiis in ec-
 clesia sancti Marci sub Vrso patriarcha, in quo, teste Andrea Dandu-
 lo in suo breui chronico, pleraque ad disciplinam ecclesiasticam spe-
 ctantia constituta fuerunt.

VITA

GREGORII PAPÆ VI. ANNO CHRISTI 1044.

Gregorius
 VI. quando
 & a quibus
 electus?

GREGORIVS, huius nominis sextus, cui antea Grati-
 ani nomen erat, anno Domini 1044. tempore re-
 gnantis Henrici secundi a Romanis tamquã ecclesiæ Dei

liberator, vnanimi consensu electus est pontifex, quando tricipitem illam bestiam pharmaco tali, quod temporis illius infelicitas exigebat, e medio sustulisset, dataque pecunia ab intrusis pontificibus pacem & vnionem ecclesiæ comparans, eiusdem ecclesiæ vexationem redemisset. Factum pontificis prudentissimum nemo nisi Benno schismaticorum signifer, vtriusque Gregorii VI. & VII. magistri & discipuli hostis infensissimus, hominum omnium mendacissimus, tamquam simoniacum reprehendit vnquam. Gregorius VII. qui implacabilis simoniacorum hostis erat, ob eius amorem se post adeptum pontificatum Gregorium VII. vocari voluit, cum antea Hildebrandus appellatus fuisset. In Concilio Romano, quod anno pontificatus sui septimo habitum fuit Romæ, eundem legitimum pontificem & præcessorem suum recognoscit. Glaber, qui hoc tempore scripserat, Gregorium summopere laudans, hæc de eius ingressu commemorat: Tunc vero cum consensu totius Romani populi, atque ex præcepto imperatoris, eiectus est a sede Benedictus, & loco eius subrogatus est vir religiosissimus ac sanctitate perspicuus Gregorius natione Romanus, cuius videlicet bona fama quidquid prior fœdauerat in melius reformauit. Ipse quidem Petrus Damiani, mox quam audiisset eius promotionem canonicam, scriptis ad eum literis eidem congratulatur, quod ecclesia Dei, per eius electionem fordibus expurgatis, pristinum decorem consecuta fuerit. Otto Frisingensis, postquam schismatis supra recensiti fœditatem commemorasset, dixissetque miserimum statum ecclesiæ per religiosum quemdam presbyterum nomine Gratianum zelo pietatis facta redemptione schismatis in melius mutatum esse, modo quo supra eiusdem auctoritate enarraui, subiungens ibidem ait: Ob ea ciues præfatum presbyterum tamquam ecclesiæ Dei liberatorem in summum pontificem elegerunt, eumque mutato nomine Gregorium VI. vocauerunt. Vnde sicut errare noscuntur hi, qui Ioannem schismaticum, de quo supra in Benedicto, cum Gratiano constant in vnum; ita etiam qui Gregorium inter tres illos improbatos pontifices enumerant. Initio pontificatus a Casimiro eam, quam Benedictus soluendam imposuerat, contributio-

Concil. Tom. 25.

Fff ij

An fuerit
simonia-
cus?

Gregorius
an fuerit
schismati-
cus?

nem denarii accepit. Post hæc sceleratos vrbe expulit, & sacrilegos rerum ecclesiasticarum inuasores, quos verbis & gladio spiritali non poterat, gladio militari ad restitutionem spoliū adegit. *Vvilielmus Malmesburius de gestis regum Anglorum.*

Gregorius
quando &
cur se pon-
tificatu ab-
dicauerit?

Qua de causa dum odium & inuidiam Romanorum ex furtis & rapinis viuentium incurrisset, crimine simoniae & homicidii insimulatus venit ad Henricum regem Placentiæ degentem, ibique habito Concilio Sutрино cui ipse præfedit, nullo testimonio conuictus, nullave sententia iudicatus, ob pacem ecclesiæ conciliandam & schismatis periculum, quod iterum imminebat conflandum, imitatus Gregorium Nazianzenum sponte se abdicauit, anno Domini millesimo quadagesimosexto cum teste Leone Ostiensi sedisset annos duos & octo menses.

CONCILIVM SVTRINVM,

QVO GREGORIUS VI. SEIPSVM PONTIFICATV
abdicauit, anno Domini M XLVI.

ANNO
CHRISTI
1046.

NOTA.

Acta Con-
cilii.

^a *Concilium.*] De rebus in hac Synodo gestis Hermannus huius temporis scriptor ista refert: *Coadunato exercitu Papiæ Synodum celebravit, inde Placentiam veniens Gratianum clarissimum, nempe Gregorium VI. quem expulsis prioribus Romani papam statuerant, ad se venientem honorifice suscepit, sicque cunctis prospere cedentibus, iuxta natalem Domini non longe ab vrbe Roma apud Sutriam Synodo item acta, causaque erroneorum pontificum diligentius ventilata, Gratianum papam conuictum baculo pastoralis priuauit; deinde omnium tam Romanorum, quam aliorum consensu Suidgerum episcopum, qui post Eberhardum primum secundus Bambergensem sexto iam anno regebat ecclesiam, nimium reluctantem summum Romanæ ecclesiæ elegit pontificem, sicque circa vigilias natalis Domini ipsam ingrediuntur urbem.* Hæc de rebus

An & quo-
modo tres
pseudopa-
pæ schisma-
tici in hac
Synodo
depositi?

in Concilio gestis Hermannus. Sed quod refertur in hac Synodo tres schismaticos pontifices depositos esse, non aliter intelligendum est, quam quod priuati fuerint illis retribus, quos cum illis transigens Gratianus ad quietem & vnionem ecclesiæ redimendam illis assignauerat. Et quorum gratia idem in hoc iudicio simoniae accusatus, sed nequaquam conuictus fuerat. Illud vero quod ait, Gregorium in hoc Concilio Sutрино depositum fuisse, nequaquam sustineri potest.